

BC663. 06. 23

六月乙未朔丁巳 軍至名草邑 則誅 **名草戸畔** 者

遂越狹野 而到熊野神邑 且登天磐盾 仍引軍漸進

海中卒遇暴風 皇舟漂蕩 時 **稻飯命** 乃歎曰 嗟乎 吾祖則天神母則海神 如何厄我於陸 復厄我於海乎 言訖 乃拔劔入海 化爲 **鋤持神**

三毛入野命 亦恨之曰 我母及姨並是海神 何爲起波瀾 以灌溺乎 則蹈浪秀 而往乎 **常世鄉** 矣

天皇獨與皇子 **手研耳命** 帥軍而進 至熊野荒坂津 【亦名丹敷浦】 因誅 **丹敷戸畔** 者 時神吐毒氣 人物咸瘁 由是 皇軍不能復振

時彼處有人 號曰 **熊野高倉下** 忽夜夢 **天照大神** 謂 **武甕雷神** 曰 夫葦原中國猶聞喧擾之響焉 宜汝更往而征之 **武甕雷神** 對曰 雖予不行 而下予平國之劔 則國將自平矣 **天照大神** 曰 諾 時 **武甕雷神** 登謂 **高倉** 曰 予劔號曰 **師靈** 今當置汝庫裏 宜取而獻之天孫 **高倉** 曰唯々而寤之 明旦 依夢中教 開庫視之 果有落劔 倒立於庫底板 即取以進之 于時 天皇適寐 忽然而寤之曰 予何長眠若此乎 尋而中毒士卒 悉復醒起 既而皇師 欲趣中洲

而山中嶮絕 無復可行之路 乃棲違不知其所跋涉 時夜夢 **天照大神** 訓于天皇曰 朕今遣 **頭八咫鳥** 宜以爲鄉導者 果有 **頭八咫鳥** 自空翔降 天皇曰 此鳥之來自叶祥夢 大哉 赫矣 我皇祖 **天照大神** 欲以助成基業乎

是時 **大伴氏** 之遠祖 **日臣命** 帥 **大來目** 督將元戎 蹈山啓行 乃尋鳥所向 仰視而追之 遂達于菟田下縣 因號其所至之處 曰菟田穿邑 于時 勅譽 **日臣命** 曰 汝忠而且勇 加有能導之功 是以 改汝名爲 **道臣**

BC663. 08. 02

秋八月甲午朔乙未 天皇使徵 **兄狛及弟狛** 者【狛 此云宇介志】是兩人 菟田縣之魁帥者也【魁帥 此云比鄧誤迺伽彌】

時 **兄狛** 不來 **弟狛** 即詣至 因拜軍門而告之曰 臣兄々狛之爲逆狀也 聞天孫且到 即起兵將襲 望見皇師之威 懼不敢敵 乃潛伏其兵 權作新宮 而殿內施機 欲因請饗以作難 願知此詐 善爲之備 天皇即遣 **道臣命** 察其逆狀 時 **道臣命** 審知有賊害之心 而大怒詰噴之曰 虜爾所造屋 爾自居之【爾 此云飢例】因案劔 彎弓 逼令催入 **兄狛獲罪於天 事無所辭 乃自蹈機而壓死** 時陳其屍而斬之 流血没踝 故號其地 曰菟田血原 已而弟狛大設牛酒 以勞饗皇師焉 天皇以其酒 穴 班賜軍卒 乃爲御謠之曰【謠 此云宇哆預彌】

于饜能多伽機珥 辭藝和奈破盧 和餓末菟夜 辭藝破佐夜羅孺 伊殊區波辭 區旒羅佐夜離 固奈彌餓 那居波佐麼 多智曾麼能 未迺那鷄句塢 居氣辭被惠禰 宇破奈利餓 那居波佐麼 伊智佐介幾 未迺於朋鷄句塢 居氣饜被惠禰

菟田(うた)の 高城(たかき)に 嶋(しぎ) 罾(わな) 張(は)る 我(わ)が待(ま)つや 嶋は障(さや)らず いすくはし 鷹等(くぢら) 障り前妻(こなみ)が 肴(な) 乞(こ)はさば 立(たち) 稜(そ) 麦(ば)の 実(み)の無(な)けくを 幾多(こきし) 轟(ひ) 兎(ね) 後妻(うはなり)が 肴(な) 乞(こ)はさば 齋(い)ち 賢木(さかき) 実(み)の多(た)けくを 幾多(こきだ) 轟(ひ) 兎(ね)

是謂 **來日歌** 今樂府奏此歌者 猶有手量大小 及音聲巨細 此古之遺式也

是後 天皇欲省吉野之地乃從**菟田穿邑** 親率輕兵巡幸焉至吉野時 有人出自井中光而有尾 天皇問之曰汝何人 對曰臣是國神名爲 **井光** 此則**吉野首部始祖**也
更少進 亦有尾而披磐石而出者 天皇問之曰汝何人 對曰臣是 **磐排別之子**【排別 此云飫時和句】此則**吉野國樞部始祖**也 及緣水西行 亦有作梁取魚者【梁 此云
擲奈】天皇問之 對曰臣是 **苞苴擔之子**【苞苴擔 此云珥倍毛菟】此則**阿太養鷗部始祖**也

BC663. 09. 05

九月甲子朔戊辰 天皇陟彼菟田**高倉山之巔** 瞻望域中 時**國見丘**上則有**八十梟帥**【梟帥 此云多稽屨】又於**女坂**置女軍 **男坂**置男軍 **墨坂**置焮炭 其女坂 男坂 墨坂之號 由此而起也 復有 **兄磯城** 軍 布滿於**磐余邑**【磯 此云志】賊虜所據 皆是要害之地 故道路絕塞 無處可通 天皇惡之

是夜自**示丘**而寢 夢有**天神**訓之曰 宜取**天香山示土中土**【香山 此云介遇夜摩】以造**天平瓮**八十枚【平瓮 此云田比邏介】并造**嚴瓮** 而敬祭**天神地祇**【嚴瓮 此云怡途背】亦爲**嚴呪詛** 如此 則虜自平伏【嚴呪詛 此云怡途能伽辭離】天皇祇承夢訓 依以將行 時弟**狛**又奏曰 倭國**磯城邑** 有 **磯城八十梟帥** 又**高尾張邑**【或本云葛城邑也】有 **赤銅八十梟帥** 此類皆欲與天皇距戰 臣竊爲天皇憂之 宜今當取**天香山埴** 以造**天平瓮** 而祭**天示土國示土之神** 然後擊虜則易除也

天皇既以夢辭爲吉兆 及聞**弟狛**之言 益喜於懷 乃使 **椎根津彥** 著幣衣服及蓑笠爲**老父**貌 又使 **弟狛** 被箕爲**老嫗**貌 而勅之曰 宜汝二人到天香山 潛取其巔土 而可來旋矣 基業成否當以汝爲占 努力慎歟

是時 虜兵滿路難以往還 時**椎根津彥** 乃**示丘**之曰 **我皇當能定此國者行路自通 如不能者賊必防禦** 言訖徑去 時群虜見二人大咲之曰 大醜乎【大醜 此云鞅奈瀨人爾句】老父老嫗 則相與關道使行 二人得至其山取土來歸

於是 天皇甚悅 乃以此埴 造作八十**平瓮** 天手挾八十枚【手挾 此云多衢餌離】**嚴瓮** 而陟于**丹生川上** 用祭天神地祇 則於彼**菟田川之朝原** 譬如水沫而有所呪著也 天皇又因**示丘**之曰 吾今當以八十**平瓮** 無水造**鉛**々成則吾必不假鋒刃之威坐平天下 乃造**鉛**々即自成 又**示丘**之曰 吾今當以**嚴瓮** 沈于丹生之川如魚無大小悉醉而流 譬猶被葉之浮流者【被 此云磨紀】吾必能定此國 如其不爾終無所成 乃沈瓮於川其口向下頃之魚皆浮出隨水噉嚼 時**椎根津彥**見而奏之

天皇大喜 乃拔取丹生川上之五百箇**真坂樹**以祭諸神 自此始有**嚴瓮**之置也 時勅**道臣命**今以 **高皇產靈尊** 朕親作顯齋【顯齋 此云于圓詩怡破田比】用汝爲齋主 授以**嚴媛**之號 而名某所置埴瓮爲**嚴瓮** 又火名爲**嚴香來雷** 水名爲**嚴罔象女**【罔象女 此云瀨菟破迺迷】**粮**名爲**嚴稻魂女**【稻魂女 此云于伽能迷】**薪**名爲**嚴山雷** 草名爲**嚴野椎**